

Rapport annual 2021

PUNTREIS Center da sanadad SA – 7180 Disentis/Mustér



CUNTEGN

Cuntegn	2
Rapport dil president dil Cussegl da Fundaziun	3
Rapport dil president dil Cussegl d'administraziun PUNTREIS Center da sanadad SA	5
Rapport dil meinafatschenta	7
Rapport dalla meinatgira.....	9
Organs responsabels per ils 31-12-2021	11
Persunal.....	12
Cussadentas e cussadents	13
Defunctas e defuncts	14
Engraziament.....	15
Persunas da contact.....	16
Adressa da contact.....	16



RAPPORT DIL PRESIDENT DIL CUSSEGL DA FUNDAZIUN

Igl onn da gestiun 2021 ei staus fetg multifars. Denter tut las sfidas e novaziuns havein nus medemamein astgau terminar entgins da nos projects.

All'entschatta digl onn 2021 ha la fundaziun priu en mira d'analisar da rudien ils basegns per in baghetg annex. Deplorablamein havein nus buca saviu realisar las lavurs per ina tala analisa. Nus havein almein saviu menar differents discours cun eventuais interessents, denton ei aunc neginas decisiuns concretas sin meisa ni signadas.

Sclariment energetic

Sco emprem ha il president dalla fundaziun en collaboraziun cul president dalla SA ed il meinafatschenta analisau cun persunas dil fatg il diever d'energia per scaldar sco era il diever d'electricitat.

Il baghetg dalla PUNTREIS vegn scaldaus cun sondas resp. energia geotermica e cun il sistem da scaldar dalla RECAL SA. La gronda part dall'energia da scaldar savein nus producir sez e l'autra cumpart entras la purschida dalla RECAL. Nus essan ligiai cun RECAL a liunga vesta e cheutras havein nus ord quella vesta negin potenzial d'optimaziun. Sche nus sedecidin per in baghetg annex porscha quel a nus la pusseivladad da colligiar ulteriuras sondas en nies sistem da scaldar.

Sco igl ei semussau ei il diever d'electricitat fetg auts e la PUNTREIS ha ord quei motiv da pagar la taxa tenor il diever maximal. Tier la sanaziun dil baghetg vegl han ins ord motivs nunenconuschents allontanau tut ils collecturs per scaldar cun aqua. Suenter la construcziun dad in'alzada supplementara tiel baghetg vegl e la terminaziun dallas lavurs dil baghetg niev, han ins

buca pli installau ils collecturs numnai. Gest per quels motivs vegn la gronda surfatscha dil tetg dalla PUNTREIS pil mument insumma buca nezegiada.

La fundaziun ha procurau per differentas offertas e decidiu la fin digl onn 2021 da realisar in tetg fotovoltaic per l'entschatta 2022. Plinavon havein nus en collaboraziun cun la SA analisau sco optimar il diever digl indrez fotovoltaic e sco nus savein eliminar la sfarlatada dall'energia „Blindstrom“. La casa veglia sco era la nova vegnan colligiadas aschia ch'igl implont fotovoltaic sa furnir energia electrica pigl entir menaschi PUNTREIS.

Cun igl augment da prezi per l'electricitat digl onn 2021/22 sa quell'investiziun aunc vegnir amortisada pli spert che planisau. Cun igl ault agen diever dalla SA, sa l'energia vegnir spisgentada directamein. L'installaziun ei concepida aschia, ch'ins savess sil tetg d'ina annexa aschuntar in ulteriur implont fotovoltaic, senza stuer midar l'installaziun electrica.

Sclariment dil diever dad in'annexa

La fundaziun ha menuu differents discours cun interessents per las localitads en in'annexa pusseivla. Ils discours ein vegni protocollai. Pertgei l'annexa sto purtar sesezza. Ord quels aspects resulta il prezi da fiera pils eventuais interessents. El mument che la fundaziun ha ils resultats avon maun, succeda la decisiun da principi prevedentamein igl onn 2022.

SanaSurselva

Il project SanaSurselva vegn pli e pli concrets. Il cantun ha la finamira d'ina regiun da sanadad sin l'entira Surselva. Ils responsabels dalla SA e dalla fundaziun ein involvi en quella planisaziun d'ina regiun da sanadad Surselva en differentas

gruppas da lavur. Igl ei impurtont ed essenzial da collaborar vid la projectazion dall'entschatta enneu. Per la fin digl onn 2021 san ins communicar ch'igl ei previu da reunir tut ils menaschis dil spital, dalla Spitex e da tuttas casas da tgira. La responsabladad sco era ils baghetgs sez restan denton vinavon tier mintga vischnaunca. Sche tut sespleiga sco planisau entra quei project cun l'entschatta 2023 en vigur.

Pintgas e pli grondas reparaturas vid il baghetg engrevieschan per in'ulteriura gada il conto dalla Fundaziun PUNTREIS. Il plantschiu ord stgein, ch'ei dil reminent bia memia loms, caschuna vinavon gronds fastedis. Igl ei buca da crer ch'ins ha installau in tal plantschiu nunadattau malgrad ch'igl ei vegniu discussegliau tal da sias uras. La surfatscha da lenn distacca gia ed ei vegn flichergnau entuorn. Suenter gnanc diesch onns han ins da midar il niev plantschiu ni cuvierer quel cun plattas da vinil. A propos, il plantschiu massiv da fau el baghetg vegl sepresenta aunc adina sco novs!

Igl onn 2021 ha ei dau neginas midadas el Cussegl da fundaziun. In grond engraziament a tut las personas per lur engaschi en favur dalla PUNTREIS!

Naturalmein ei nies buordi finanzial aunc adina relativ gronds. Cun ina casa fetg bein occupada eis ei stau pusseivel alla PUNTREIS SA dad augmentar la liquiditat sur la summa necessaria.



Quei fatg possibilitescha da garantir alla fundaziun ina pli gronda dividenda. Grazia alla buna occupaziun dalla casa savein nus mintg'onn far las amortisaziuns necessarias.

Nossas decisiuns futuras ston esser bein ponderadas per anflar la pesentincla denter investiziuns futuras, reducziun dils deivets ed il manteniment dalla casa PUNTREIS.

Gian-Reto Nufer, nies niev meinafatschenta dalla PUNTREIS ei seluvraus en bein en sia nova incarica. Las lavurs e sfidas dil mintgadi van buc ora. Plinavon procuran las midadas planisadas da SanaSurselva en la regiun per variaziun en casa.

Jeu lessel buca muchentar d'engraziar a nossas cussadentas ed a nos cussadents, a tut il personal sut la direcziun da nies capavel meinafatschenta Gian-Reto Nufer, al Cussegl d'administrazion PUNTREIS Center da sanedad SA, sut il presidi dad André Schmid, sco era allas commembras ed als commembers dalla Fundaziun PUNTREIS. In grond Dieus paghi!

Mustér, ils 24 da mars 2022

Christoph Berger
president dil Cussegl da Fundaziun PUNTREIS



RAPPORT DIL PRESIDENT DIL CUSSEGL D'ADMINISTRAZIUN PUNTREIS CENTER DA SANADAD SA

Igl onn da gestiun 2021 ei gest era igl emprem onn dalla perioda d'uffeci 2021-2023. Ils commembers dil cussegl d'administrazione Gebharda Berther, Iris Lombris, Arnold Flepp, Giusep Flepp, Livio Zanetti ed André Schmid s'engaschan cumpleinamein pil beinstar da nossa instituziun PUNTREIS. Las sfidas ein multifaras, cunzun duront il temps malguess cun la pandemia da Corona. Da restricziuns pils cussadents han vuliu desister aschilunsch sco pusseivel. Aschia han ils tierparents adina saviu far visetas cun las perscripziuns necessarias. Inagada dapli han nossas collaboraturas e nos collaboraturs stuiu ademplir lur pretensius pensums cun restricziuns da lavur meins emperneivlas. La capientscha persuenter ei gronda e nus savein bien grau persuenter.

Suenter 5 onns ed 8 meins cumplein engaschi sco meinacasa ha Diego Deplazes bandunau nus cun ils 31 da matg 2021. Igl entir menaschi ha profitau da sia savida e siu grond engaschi. Las structuras dalla direcziun e dil menaschi ein vegnidias professiunalisadas ed optimalissadas incontin. L'instituziun PUNTREIS vala el cantun Grischun sco ina dallas pli rentablas casas ed aschia d'ina instituziun da referenza. Sper il menaschi han nossas cussadentas e nos cussadents adina gudiu la preferenza tier il Diego. Sin lur davos viadi dalla veta ei igl ambient familiar ina impurtonta premissa che tuts san sesentir bein. La midada da lur dacasa en nossa instituziun ei buca gest in sempel pass e pretendia da tuts in bien maun e sentiment pils giavischs individuals. Era pils tierparents ei Diego adina staus contonschibels. Ils numerus engraziaments ein il meglier attestat persuenter.

Sco secretari dalla Lia Rumantscha ha Diego anflau ina nova sfida. Cun sia professiun d'origin

sco scolast e sias vastas scolaziuns pedagogicas vegn el era tier la Lia a purtar novs impuls e vinavon s'engaschar cumpleinamein. Nus giavischein al Diego en sia nova piazza in bien maun, il necessari sostegn e la cumpleina cumentientscha.

Alla fin sauda ei a nus d'engraziar grondamein per tut il nunstunclientievel engaschia en favur da nossa instituziun PUNTREIS. Nus selegrein adina puspei sin ina viseta ni l'autra. Al Diego cun sia famiglia giavischein mo dil bien, surtut buna sanadad e cumentientscha.

La sfida per la tscherca d'ina successiun dil meinacasa ei stau in pretensius pensum. L'entira evaluaziun cun ils discours personals han pretendiu bia temps e precauziun. Nus essan loschs d'haver anflau ina zun qualificada persunal cun il Gian-Reto Nufer da Rueras. Grazia a siu grond engaschi ha il Gian-Reto s'integraus bein el manaschi. Bia caussas ein novas e drovan in engaschi supplementar per survegnir ina survesta e saver adempli quei pretensius pensum. Suenter varga in miez onn essan nus fetg satisfatgs dall'elecziun e lessan engraziar al Gian-Reto per tutta lavur ed engaschi. Il temps cun Corona ei buca gest staus sempels ed ina sfida supplementara tier tut igl auter.

Duront ils davos 3 onns ei la gronda part dalla direcziun vegnida remplazzada. Midadas ein era ina schanza e quella havein nus nezegiau. Oz astgein nus essar loschs sin nossa direcziun. Tuts habiteschan ella regiun ed il lunghatg da mintgadi ei romontsch. Quei vegn apprezziau tier nos cussadents, collaboraturs e tuttas insituziuns cun las quallas nus collaborein.

Alla fin saudi d'engraziar a tut ils cumpigliai ed engaschai. Nies versau e zun premurau meinacasa Gian-Reto meina la casa cun bien inschign e grond engaschi per nossa cumpleina cumentientscha. Il cader sco era mintga collaboratura e collaboratur s'engaschan mintga di per il beinstar da nos cussadents. In grond e resentiu engraziament persuenter. Sco davos lessel jeu era engraziar als commembers dalla fundaziun cun lur president Christoph Berger sco era a mes collegas dil cussegli d'administraiun per la fritgeivla collaboraziun.

Cun grond plascher ed optimissem s'engaschein nus vinavon per l'instituziun PUNTREIS.

Mustér, ils 15 da fevrer 2022

André Schmid
president dil Cussegli d'administraziun
PUNTREIS Center da sanadad SA



RAPPORT DIL MEINAFATSCHENTA



Per nossa instituziun ei igl onn da menaschi 2021 staus in onn turbulent, denton era per igl entir mund. Il virus da corona ha accumpignau nus cun la varianta **δ** aven dall'entschatta 2021 entochen egl atun cura che la varianta **Oo** ha surpriu siu dictat. Corona vegn a fatschentar nus aunc egl onn 2022. Nus tuts havein empriu da viver cun quella nova realitat ed havein empruau da far il meglier ord las sfidas dil mintga di. Denton pli ditg che la pandemia cuozza e dapli che collaboratur*as sentan lur cunfins.

Las cussadentas ed ils cussadents han muossau gronda capientscha ed han stuiu acceptar las restricziuns ch'ein per part semidadas incuntin. Encunter la fin digl onn 2021 havein nus schizun stuiu reagir da jamna tier jamna e per part da di tier di. La finamira principala ei stada da puspei lubir ina veta en casa PUNTREIS pli u meins normala cun activitads e visetas dils tierparents ed enconuschents.

Avon in onn ei vegniu scret cheu: «Purtar la mascrina e tener distanza han udiu tier il mintgadi

e quei per varga 9 meins.» Uss suenter 21 meins ein quellas directivas naturalisadas.

Entochen il davos di digl onn 2021 ha la PUNTREIS Center da sanadad giu la quida da tener ordeifer l'instituziun la malsogna. Ils 31-12 ei la novitad vegnida, ch'igl emprem collaboratur ei testaus positiv en casa. Beinsavend che nus vegin enzacu confrontai cun quei malign virus, essan nus stai engrazieivels d'astgar haver negins cass aschi ditg. Cheu fetschel ed astgel far in grond cumpliment a nies persunal. Medemamein allas cussadentas ed als cussadents sco era als confamiliars che han acceptau las reglas ed ein seteni fetg bein vid las directivas e las restricziuns.

Las empremas duas vaccinaziuns han giu liug l'entschatta 2021. Cun la speranza ch'il schurmetg tegni ditg, schizun per adina, ha la realitat mussau in'autra vesta. Cun l'arrivada dalla varianta Omrikon havein nus stuiu sefatschentar cul "booster". Ed aschia havein nus retschiet la tiarza vaccinaziun la fin da november.

Igl onn 2021 havein nus giu tier ils cussadent*as 30 entradas, 33 extradas e da quels 18 mortoris. Plinavon havein nus giu 13 collaboratur*as en scolaziun. Per la fin da 2021 fuvan 92 colluvreras e colluvrers engaschai tier nus, repartiu sin 66.25% plazzas cumpleinas.

Grazia ad ina occupaziun da 100.1% e 19'844 dis da tgira essan nus fetg satisfatgs e cuntents. Aschia che nus savein presentar in quen positiv cun in resultat fetg legreivel. Denton eis ei buc dad emblidar che la fatschenta ha in grond impegn a liung temps da rodund 8.6 milliuns. Ord quella raschun essan nus cussegliai da far reservas finanzialas pigl avegnir.

Jeu astgel dir che la collaboraziun enteifer il cader, il cussegl da fundaziun, il cussegl

d'administraziun ei staus in fetg grond agid per mei da seviver en el sectur dalla sandad.

Duront ils dis da fuffergniadi, sur tuttas partiziuns e secturs dalla casa, hiel saviu far experientschas nundetg valeivlas. Jeu sun engrazieivels che jeu hiel astgau prender investa ella laver da mintgin*a.

In fetg grond engraziament a nossas cussadentas e nos cussadents cun lur confamiliars per la confidanza e la gronda capientscha en quei temps tut auter che sempel.

Senza igl engaschi exemplaric da tuts collaboratur*a dalla PUNTREIS fuss ei stau nunpusseivel da schliagiar las sfidas dil mintga di.

Mustér, ils 26 da schaner 2022

Gian-Reto Nufer
meinafatschenta
PUNTREIS Center da sanadad SA
e Fundaziun PUNTREIS



RAPPORT DALLA MEINATGIRA



«Neue Herausforderungen sind wunderbare Gelegenheiten, Neues über sich selbst zu erfahren»

Ernst Ferstl

Im Dezember 2020 habe ich die Funktion der Pflegedienstleiterin der PUNTREIS Center da sanadad SA übernommen. Diese Führungsaufgabe zu erfüllen, bedeutet für mich in erster Linie, in der neuen Institution mit dem bestehenden Team einen Weg zu finden, Beständiges zu festigen und Neues zu wagen. Die eigenen Ansprüche und Erwartungen zu formulieren und mit jenen der Mitarbeitenden der Pflege abzustimmen, ist eine der grossen Herausforderungen. Für das Pflegeteam bedeutete dies, sich nach acht Jahren auf eine fremde Verantwortliche, auf Veränderungen und neue Perspektiven einzulassen.

Im Bereich Pflege arbeiten aktuell 60 Personen in Voll- und Teilanstellung, mit unterschiedlichen Ausbildungen und Qualifikationen sowie verschiedensten Fähigkeiten, Berufs- und Lebenserfahrungen, Herkunft und Alter. Das

Finden einer gemeinsamen Basis, einer gemeinsamen Sprache und daraus das Ableiten einer Haltung, in der sich jeder wiederfindet, ist ein ständiger Prozess, den wir durchlaufen, um für die Bewohnenden eine verbindliche und konstante Pflege und Betreuung zu gewährleisten.

Das vergangene Jahr war geprägt von der Pandemie – von Einschränkungen, Ängsten, Schutzmassnahmen, Diskussionen, von Anspannung und dem Bemühen, die Normalität aufrecht zu erhalten. Eine Balance zwischen dem so dringend nötigen Schutz der vulnerablen Personen und dem Bedürfnis derselben nach Kontakten und Austausch zu finden, benötigte eine permanente Evaluation der Situation und der Erkenntnisse sowie eine konsequente Reflexion der bisher getroffenen Massnahmen. Nicht alle Entscheide wurden von den Bewohnenden und den Angehörigen verstanden – im Ganzen lässt sich aber sagen, dass wir mit transparenter Information und steter Gesprächsbereitschaft auf viel Wohlwollen und Akzeptanz gestossen sind. Die Mitarbeitenden der PUNTREIS haben mit grossem Engagement, Umsicht und persönlichem Verzicht dazu beigetragen, dass wir von einem Ausbruch im Heim verschont wurden. Für die Bewohnenden wurden sie noch vermehrt zu Vertrauten und Wegbegleitern, da die sozialen Kontakte phasenweise stark reduziert werden mussten. Die Gemeinschaft unter den Bewohnenden, die gemeinsamen Aktivitäten im Haus und die Betreuung durch die Mitarbeitenden halfen, diese schwierige Zeit zu meistern. Und wenn es manchmal zu viel wurde, sich wieder auf neue Massnahmen einzulassen, neue Einschränkungen zu akzeptieren und durchzuhalten, so half der Humor, etwas Leichtigkeit in den Alltag zu bringen.

Leichtigkeit und Freude sind in der Arbeit mit betagten Menschen wichtige Ressourcen. Die Pflegenden geben Halt, unterstützen und fördern Fähigkeiten und Selbständigkeit, beraten und trösten, helfen den Bewohnenden, ihre Einschränkungen zu akzeptieren und ihren Handlungsspielraum zu erkennen, pflegen, lindern und begleiten Bewohnende und Angehörige im Leben und im Sterben.

Von den Pflegenden wird viel Anpassungsfähigkeit, Reflexionsfähigkeit, Flexibilität und Professionalität verlangt. Die kontinuierliche Weiterentwicklung und Weiterbildung, das Erweitern des Fachwissens und der Sozialkompetenz gewährleisten eine kompetente und wertschätzende Pflege und Betreuung der Bewohnenden. Damit dies gelingt, ist eine enge Zusammenarbeit und ein stetiger Austausch mit den Mitarbeitenden aller Bereiche, mit den Ärzten und externen Therapeuten wesentlich. Nur, wenn wir unseren Auftrag als

gemeinsame Aufgabe verstehen, kann es gelingen, optimale Voraussetzungen zu schaffen. Dafür tragen auch die Geschäftsleitung und der Verwaltungs- und Stiftungsrat grosse Verantwortung, indem sie die Arbeitsbedingungen der Mitarbeitenden verbessern und die Lebensqualität der Bewohnenden durch die Bereitstellung der nötigen finanziellen Mittel zur Modernisierung und Professionalisierung steigern.

Herzlichen Dank an alle, die mit Herzblut, Optimismus und Tatkraft täglich dazu beitragen, aus der Institution PUNTREIS ein Zuhause zu machen.

Disentis, 13. Februar 2022

Silvia Berther
Pflegedienstleitung
PUNTREIS Center da sanadad SA



ORGANS RESPONSABELS PER ILS 31-12-2021

Cussegli da fundaziun

PUNTREIS

Christoph Berger
Peter Huessy
Mario Flepp
Nicole Giossi-Dermon
Claudia Pally-Lutz
Marlis Venzin-Spescha



president
vicepresident

Cussegli d'administraziun

PUNTREIS Center da sanadad SA

André Schmid
Clau Giusep Flepp
Gebharda Berther-Berther
Arnold Flepp
Jris Lombris-Manetsch
Livio Zanetti



Post da revisiun

RRT AG Treuhand & Revision, Chur

direcziun

PUNTREIS Center da sanadad SA

Gian-Reto Nufer	meinafatschenta
Silvia Berther	menadra partizun tgira ed accumpignament
Fatmir Spescha	menader partizun gastronomia
Bernard Tuor	menader partizun tecnica ed economia
Nicole Candinas	meinagruppa tgira 1
Daniel Prediscan	substitut menader da tgira e meinagruppa tgira 2 e da notg
Christina Lombriser	meinagruppa tgira 3
Monica Flepp	meinagruppa schubergiar
Maria Capaul	meinagruppa linscharia



PERSUNAL

Pensiunament ni pensiunament anticipau

Negin pensiunament ni pensiunament anticipau duront igl onn 2021.

Giubileums da lavur

20 onns

Blandina Levy colluvrera ella tgira
Jazinta Monn colluvrera ella tgira

15 onns

Ladina Deplazes colluvrera ella tgira

10 onns

Anita Simonet colluvrera ella tgira
Sabina Jacomet colluvrera ella tgira
Flurina Simonet colluvrera ella tgira
Astrid Monn colluvrera ella tgira
Regina Caminada colluvrera ella tgira
Barbara Flury colluvrera ella tgira
Nicole Candinas colluvrera ella tgira

Nus admettein a tuttas giubilaras in sincer engraziament per il grond engaschi duront tut quels onns e selegrein vinavon sin ina buna ed emperneivla collaboraziun.

Scolaziuns terminadas per ils 31-12-2021

persuna responsabla per la tgira cun diplom HF

Barbara Flury

specialista per la sanadad FaGe

Luana Caetano


gidontra da tgira SRK

Brigitta Deplazes

Michel Glien

Adrienn Bálló

Occupaziun da lavur per ils 31-12-2021




Plazzas cumpleinas per ils 31-12-2021

tgira	47.30 plazzas cumpleinas
gastronomia	8.45 plazzas cumpleinas
economia	6.70 plazzas cumpleinas
survetsch tecnic	1.00 plazzas cumpleinas
administraziun	2.80 plazzas cumpleinas
Total	66.25 plazzas cumpleinas




CUSSADENTAS E CUSSADENTS


Derivonza dallas cussadentas e dils cussadents per ils 31-12-2021




Structura da vegliadetgna 2019 - 2021



Occupaziun dalla instituziun 2019 – 2021



Dis d'occupaziun 2019 – 2021 tenor scalem da tgira





DEFUNCTAS E DEFUNCTS

Beer-Schmed Franziska

Giossi-Monn Maria

Bigliel-Grau Erwin

Huonder-Bigliel Caspar

Cavegn-Curschellas Marta

Huonder-Ackermann Hildegard

Degonda Francesg

Lozza Giusep

Deragisch Felix

Lutz Sepp-Martin

Dermon Elisabeth

Maissen Guido

Duff-Caminada Elisabeth

Manetsch Anna

Flepp-Manetsch Cecilia

Quinter-Reidi Lucia

Flury Ludwig

Schuoler Adelina

Nossas caras defunctas e nos cars defuncts ruaussien en paisch. Nuslein salvar els en buna memoria.

ENGRAZIAMENT

Era igl onn 2021 ein nossas cussadentas e nos cussadents stai el center da nies agir e cun il virus da corona ha quei priu en ina dimensiun tut speciala. Tier nies entir agir ei il patratg dil schurmetg adina staus el center ed ha pretendiu da nus tuts e surtut dil persunal bia perseveronza ed in enorm engaschi.

Jeu admettel in grond engraziament pil sustegn e per la buna collaboraziun

- allas caras cussadentas ed als cars cussadents cun lur confamiliars
- al Cussegl da fundaziun PUNTREIS
- al Cussegl d'administraziun PUNTREIS Center da sanadad SA
- a tut nossas colluvreras e nos colluvrers cun lur responsabels
- a nos miedis dr. Marcus Huonder, dr. Romina Simonet, dr. Simon Simonet, dr. Andreas Fischbacher, dr. Kristina Schnabel, dr. Thomas Lechmann, dr. Stephan Schönle, dr. Prakash Arumugam e dr. Petra Tuor cun lur teams per il sustegn medicinal
- alla apoteca Desertina cun Simona Simonet
- als spirituals sur Mathew K., sur Mathew C., sur Alexi, cun las biaras gidontras ed als

fraters Franz, Thierry e Murezi per igl accumpignament e sustegn pastoral

- alla frisunza Rahel Bisquolm, alla pedicura Marlis Oertli-Levy ed a nos acustichers per lur purschidas
- a nossas gidontras e nos gidonters voluntaris per il sustegn ellas activitads dil mintgadi
- a nos musicians per la recreazion
- al biro RRT AG per il support el sectur dallas finanzas
- al Spital regiunal Surselva, alla Pro Senectute Surselva sco era ad alzheimer grischun
- al survetsch da punt palliativ dal Grischun
- alla fatschenta Ignaz Furger cun Rafael Monn pil sustegn ed agid en cass da mortoris e per ils transports
- als manischunzs dil taxi dalla crusch cotschna per ils transports
- a nos partenaris dallas casas da tgira Casa s. Martin a Trun e da casa val lumnezia a Vella
- a tut tgi che ha fatg dil bien a nossas cussadentas e nos cussadents duront igl onn ora



PERSUNAS DA CONTACT



Christoph Berger

President

Cussegl da fundaziun

079 429 92 21

berger73@gmx.ch



André Schmid

President

Cussegl d'administraziun

079 304 53 53

a.schmid@conversa.gr



Gian-Reto Nufer

Meinafatschenta

081 929 56 56

grnufer@puntreis.ch



ADRESSA DA CONTACT

PUNTREIS Center da sanadad SA

Via Cons 11

7180 Disentis/Mustér

081 929 56 56

info@puntreis.ch

www.puntreis.ch

www.facebook.com/Puntreis

www.instagram.com/puntreis/